

09-08/13-12/702
7.12.2021й.

ТАСДИҚЛАЙМАН

Қорақалпоғистон Республикаси
Вазирлар Кенгаши Раисининг
ўринбосари



С.Турманов

«__» декабрь 2021 йил

**“Ёнғин хавфсизлиги ойлиги”ни ўтказиш бўйича Республика
комиссиясининг йиғилиш
БАЁНИ**

«__» декабрь 2021 йил

Нукус шаҳри

Раислик қилди: **Е.Аташов** Қорақалпоғистон Республикаси Вазирлар
Кенгаши Раисининг ўринбосари
Қатнашганлар: Кун тартибидаги масалага алоқадор
вазирликлар, идоралар, ташкилотлар
раҳбарлари (рўйхат бўйича)

К У Н Т А Р Т И Б И :

**Қорақалпоғистон Республикасидаги аҳоли яшаш пунктларида,
ижтимоий соҳа ва иқтисодиёт тармоқлари объектларида ёнғин
хавфсизлигини таъминлаш чора-тадбирларини кучайтириш мақсадида
2021 йил 15 ноябрь - 15 декабрь кунлари оралиғида ўтказилаётган
“Ёнғин хавфсизлиги ойлиги”нинг бориши ҳақида.**

(Аташов, Давлетов, Турдиев, Курбанов, Уснатдинова, ..., Аташов)

Қорақалпоғистон Республикаси Вазирлар Кенгашининг 2021 йил
13 ноябрдаги 117-13-0-F/21-сонли фармойишига асосан жорий йилнинг
15 ноябрдан 15 декабрь кунлари оралиғида ўтказилаётган “Ёнғин
хавфсизлиги ойлиги” даврида республика ҳудудида корхона-ташкилотлар
ҳамда аҳоли турар жойларида содир бўлиши мумкин бўлган ёнғин, газ-ҳаво
аралашмасининг чақнаши, фуқароларни ис газидан заҳарланиши ва бошқа
фавқулодда вазиятларнинг олдини олиш борасидаги профилактик
тадбирларни янада жадаллаштириш мақсадида таллуқли идоралар вакиллари
билан ҳамкорликда қуйидаги ишлар амалга оширилди. Жумладан:

Тузилган ишчи-гуруҳлар томонидан ўтказилган рейдлар давомида
681 та ижтимоий соҳа объектларида, 3 та ўта муҳим ва тоифаланган
объектларда, 32 та тадбиркорлик субъектларида ўрганишлар ўтказилиб,
ўрганишлар жараёнида аниқланган 1770 та ёнғинга қарши камчиликларнинг
аксарияти жойида бартараф этилишига эришилди. Профилактик тадбирлар
давомида ушбу объектларда ишловчи ишчилар билан 424 мароатаба суҳбат
ва йўриқномалар ўтказилди.

Объектларда фавқулодда вазият ёки ёнғин содир бўлганда ҳаракатланиш тартибини ўргатиш бўйича 158 та амалий машқ ва машғулотлар ўтказилди.

“Ёнғин хавфсизлиги ойлиги”ни эълон қилиш ва хавфсизлик талабларига риоя этиш, шунингдек истеъмолчиларга газ ва электр энергиясидан фойдаланишда хавфсизлик қоидаларига риоя этишларини тарғиб қилиш мақсадида 196.739 та тиражда эслатма ва йўриқномалар ишлаб чиқилиб, фуқароларга тарқатилди.

Ёнғин, газ ва ҳаво аралашмасининг чакнаши, фуқароларни ис газидан заҳарланиши ва бошқа нохуш ҳолатларни олдини олишга қаратилган 5579 та тарғибот материаллар ишлаб чиқилиб, 190 таси бозор ва савдо комплексларда, 3403 таси йўловчи ташиш транспорт воситаларида, 124 таси автостанция ва вокзалларда ва 1862 таси бошқа одамлар оммавий бўладиган объектларга ўрнатилди.

Кенг омма орасида тарғибот-ташвиқот ва тушунтириш ишларини олиб бориш мақсадида республика ва маҳаллий телевидениелар орқали 35 та кўрсатув ва лавҳалар, “Қорақалпоғистон” радиосида 3 та ва объект радиотармоқлар орқали 575 та эшиттиришлар ташкил этилди ва газета саҳифаларида 41 та мақолалар чоп этилиб, 122 маротаба интернет сайтларга маълумотлар ва мурожаатлар жойлаштирилди. 194 маротаба одамлар оммавий бўладиган масканларда ёнғин қутқарув техникалари ва воситаларини намоиш этилди.

Тунги вақтда одамлар гавжум бўладиган масканларда навбатчи ва ишчи-хизматчилар ҳамда қурилиш объектларида вагонча ёки қурилиши тугалланмаган объектларда тунаётган қурилишчилар хавфсизлигини ва ушбу объектларда содир бўлиши мумкин бўлган ёнғин ёки фавқулодда ҳолатларнинг олдини олиш, тунги навбатчи ва қоравулларнинг хушёрлигини ошириш мақсадида 817 та объектларда тунги текширувлар ўтказилди.

Шулар билан бир қаторда, ижтимоий соҳа объектларида куз-қиш мавсумига тайёрлаш ва ёнғин хавфсизлигини таъминлаш борасида амалга оширилган ишлар билан бирга айрим камчилик ва муаммолар мавжудлиги аниқланган.

Хусусан, “Ёнғин хавфсизлиги ойлиги”ни эълон қилиш ва хавфсизлик талабларига риоя этиш борасида ҳамда истеъмолчиларга газ ва электр энергиясидан фойдаланишда хавфсизлик қоидаларига риоя этишларини тарғиб қилиш мақсадида **Кегейли, Мўйнок, Чимбой, Шўманой ва Қонликўл туман** ҳокимликлари томонидан тарғибот тадбирларини амалга ошириш мақсадида тегишли маблағлар ажратилмаган;

“Ёнғин хавфсизлиги ойлиги”ни ўтказиш юзасидан Вазирлар Кенгашининг фармойиши ижро учун вазирлик, идораларга юборилишига қарамасдан, **Касбий таълимни ривожлантириш ва мувофиқлаштириш бошқармаси** томонидан “Ёнғин хавфсизлиги ойлиги”ни ўтказиш бўйича касб-хунар мактабларига топшириқлар берилмаган ҳамда тегишли ҳужжатлари қабул қилинмаган;

Халқ таълими, Мактабгача таълим, Маданият, Соғлиқни сақлаш вазирликлари ҳамда Касбий таълимни ривожлантириш ва мувофиқлаштириш бошқармаси тасарруфидаги биноларда ёнғин хавфсизлигини таъминлаш борасида **етарли даражада маблағ ажратилмаган.**

Кун тартибидаги масалалар атрофлича муҳокама қилиниб, йиғилиш **ҚАРОР ҚИЛАДИ:**

1. Қорақалпоғистон Республикаси Фавқулодда вазиятлар бошқармаси бошлиғи А.Давлетовнинг “2021 йил 15 ноябрь - 15 декабрь кунлари оралиғида ўтказилаётган “Ёнғин хавфсизлиги ойлиги”га асосан 2-ўн кунлик давомида амалга оширилган ишлар тўғрисида”ги баёоти маълумот учун қабул қилинсин.

2. Қорақалпоғистон Республикаси Халқ талими вазири (Реймов), Мактабгача таълим вазири (Уснатдинова), Маданият вазири (Турдиев), Соғлиқни сақлаш вазири (Қурбанов) ва Касбий таълимни ривожлантириш ва мувофиқлаштириш бошқармаси (Канглибеков) ҳамда Олий таълим муассасалари ректор (директор)лари:

2022 йилдаги смета ҳужжатларига тасарруфидаги биноларда ёнғин хавфсизлигини таъминлаш ишларига маблағ ажратиш масаласини қўшиш чораларини кўрсин;

объектларни ёнғинга хавфсиз ҳолатга келтириш учун ажратилган маблағлардан қатъий равишда мақсадли фойдаланилишини таъминласин;

объектларда ёнғин хавфсизлиги бурчакларини бирламчи ёнғин ўчириш воситалари билан зарур миқдорда таъминласин ҳамда ёнғинга қарши сув таъминоти ва техник ҳимоя воситаларини соз ҳолга келтирсин.

3. Вазирликлар, идоралар ва ташкилотлар раҳбарлари:

ўзларига қарашли объектлар ва уй-жой фондининг техник ҳолати, ёнғин хавфсизлиги масалаларини ҳайъат мажлисларида кўриб чиқсинлар;

объектлар ва уй-жой фондини ёнғинга хавфсиз ҳолатга келтириш учун ажратилган маблағлардан қатъий равишда мақсадли фойдалансин;

газ, энергетика, сув таъминоти ва иситиш мосламаларининг ҳолати ва созлигига алоҳида эътибор қаратсин;

корхона ва ташкилотларда, муассасаларда ёнғин хавфсизлиги бурчакларини ташкил этиб, уларни бирламчи ёнғин ўчириш воситалари билан таъминласин.

4. Нукус шаҳар ва туманларга бириктирилган масъуллар:

Нукус шаҳар ва туманлар ҳокимликлари ва 4 та сектор раҳбарлари билан биргаликда “Ёнғин хавфсизлиги ойлиги” давомида амалга оширилган ишларни танқидий муҳокама қилсин;

Шаҳар ва туманлар ҳокимликларида “Ёнғин хавфсизлиги ойлиги”ни ўтказиш даврида юзага келган муаммоларни зудлик билан ҳал этиш бўйича ташкил этилган комиссиялар, шунингдек, “Ёнғин хавфсизлиги ойлиги”ни ўтказиш бўйича чора-тадбирларда белгиланган вазифаларни амалга ошириш юзасидан 4 та сектор ҳудудида доимий фаолият олиб боровчи ишчи-гуруҳлар фаолиятини мувоқилаштирсин.

5. Нукус шаҳар ва туманлар ҳокимликлари:

“Ёнғин хавфсизлиги ойлиги” давомида амалга оширилиши лозим бўлган чора-тадбирлар режасидаги тадбирларнинг ўз вақтида ва сифатли бажарилишини назорат қилсин;

энергия таъминоти воситалари (жумладан, газ тарқатиш пунктлари, трансформатор пунктлари, электр тарқатиш қутилари, марказий ва локал қозонханалар) ҳолатини ўрганиб, таъминот воситаларига зарурий хизмат кўрсатиш, барқарор фаолият кўрсатишини таъминлаш ҳамда самарали фойдаланишга қаратилган амалий ишларни олиб борсин;

“Ёнғин хавфсизлиги ойлиги”ни ташкил этиш ва ўтказиш бўйича тузилган комиссиялар томонидан, тадбирларнинг амалга оширилишини ҳар ўн кунда комиссия йиғилишларида кўриб чиқсин ҳамда тегишли идоралар, муассасалар ва ташкилотлар раҳбарларининг амалга оширилган ишлари бўйича ҳисоботларини эшитсин;

тегишли маблағларни ажратган ҳолда ёнғин хавфсизлиги мавзусида баннерлар, плакатлар, буклетлар ва бошқа турдаги кўргазмали ташвиқот материаллари чоп этилишини ташкил этсин;

маҳалла фаолларини кенг жалб қилган ҳолда аҳоли орасида ёнғин хавфсизлигини таъминлаш борасидаги тушунтириш ишларини кучайтириб, ёнғинларга ва бошқа бахтсиз ҳодисаларга олиб келиши мумкин бўлган қонунбузарликлар юзасидан қатъий чоралар кўрсин.

6. Қорақалпоғистон Республикаси Фавқулодда вазиятлар бошқармаси (Давлетов)га Қорақалпоғистон Телерадиокомпанияси (Жаксимуратова), Ахборот ва оммавий коммуникациялар бошқармаси (Бекмуратов) билан биргаликда “Ёнғин хавфсизлиги ойлиги” давомида ёнғин назорати органлари ва тегишли ташкилотлар билан биргаликда ёнғин хавфсизлигини таъминлаш масалалари узоқ вақтдан буён ҳал этилмай келаётган объектлар ва аҳоли пунктлари бўйича рейдлар уюштириб, танқидий репортажлар тайёрлаш ва эфирга узатиш тавсия этилсин.

7. Ушбу йиғилиш баёни ижросини назорат қилишни ўз зиммамда қолдираман.

Баён тузган



О.Асанов

